



Podsjetnik na prvi međunarodni dan žena

PODSJETNIK NA PRVI MEĐUNARODNI DAN ŽENA

Ležeran odnos prema abortusu razvijen je u nekoliko zemalja gdje se on koristi rutinski kad god kontracepcija ne uspije zaustaviti začecje. Sada se, međutim, sve više shvata da mnoge žene koje abortiraju kako bi riješile problem, kasnije završe sa brojnim psihološkim problemima.

Poslanik, sallallahu alejhi ve sellem, je vjerovao da svako začeto dijete ima pravo na život, a u Kur'anu postoje različiti ajeti protiv ubijanja djece.

"I djecu svoju zbog siromaštva ne ubijajte! Pa, Mi i vas i njih hranimo!" (El-En'am, 151.)

Praznovanjem i oponašanjem da nevjerstva

Od stvari koje se nameću logičkom, razumskom osnovom jeste da kada se dozvoli jedna stvar maloj skupini da je čini i prakticira od novotarija i harama, nema sumnje da će to vremenom prerasti u stvar koju praktikuju, uopće (velike) mase naroda, i kada ta stvar postane poznata onda obični narod istu prihvata kao da je od običaja (adet) da bi na kraju postalo i prihvatilo se kao praznik jednog naroda. Te nakon određenog vremena ovo ima za posljedicu da potire i derogira islamske ispravne običaje i ibadete, pa čak u nekim slučajevima vodi ka potpunom zapostavljanju islama, a oživljavanju i životu nevjerstva.

Također, muslimanima je zabranjeno oponašanje nevjernika općenito, pa tako i oponašanje nevjernika kroz organizovanje dočeka, proslava ili obilježavanja njihovih blagdana, ili razmjena poklona ili dijeljenje hrane, pa čak nije dozvoljeno muslimanima da te dane proglašavaju neradnim danima shodno riječima Poslanika, Muhammeda, sallallahu alejhi ve sellem: "Ko oponaša jedan narod ta on je od njega (njih)."

PODSJETNIK NA PRVI MEĐUNARODNI DAN ŽENA

Od 365 dana u godini, pripadnicama ljepšeg pola "demokratska" i "svjetski orijentisana" društva poklonila su dragocjen poklon, a to je pravo na pažnju i to tokom čitavog jednog dana - 8. mart. Koliko će proći vremena dok joj iz svoje "velikodušnosti" ne ponude cijeli mjesec, pa i godinu?

**PODSJETNIK
NA PRVI MEĐUNARODNI
DAN ŽENA
I NJEGOVE POSLJEDICE**

**8. 1911.
MART**

"Muslimanima i muslimankama, i vjericima i vjericama, i poslušnim muškarcima i poslušnim ženama, i iskrenim muškarcima i iskrenim ženama, i strpljivim muškarcima i strpljivim ženama, i poniznim muškarcima i poniznim ženama, i muškarcima koji dijele zekat i ženama koje dijele zekat, i muškarcima koji poste i ženama koje poste, i muškarcima koji o svojim stidnim mjestima vode brigu i ženama koje o svojim stidnim mjestima vode brigu, i muškarcima koji često spominju Allaha i ženama koje često spominju Allaha - Allah je, doista, za sve njih oprost i veliku nagradu pripremio." (Al-Ahzab, 35)

www.putsredine.com

www.putsredine.com

www.putsredine.com

Osmi mart

Da li se neko od nas zapitao, kako se i zašto slavi 8. mart?

Kako Islam gleda ženu tokom godine i kakav status žena ima u njemu na ovaj dan?

Kratka biografija osnivača 8. marta

Klara Cetkin, djevojačko prezime Ajzner (1857. – 1933.), bila je uticajni njemački socijalistički političar i borac za ženska prava. Do 1917. je bila aktivna u Socijaldemokratskoj partiji Njemačke, a zatim je stupila u Nezavisnu Socijaldemokratsku partiju Njemačke (USPD) i njegovom ekstremnom ljevičarskom krilu, Spartakističkoj ligi koja je kasnije postala Komunistička partija Njemačke (KPD), koju je ona predstavljala u Rajhstagu tokom Vajmarske Republike od 1920. do 1933. godine.

Cetkinovu je veoma interesovala ženska politika uključujući borbu za ravnopravnost i pravo glasa za žene. Razvila je socijaldemokratski ženski pokret u Njemačkoj. Od 1891. do 1917. pisala je za SPD-ove ženske novine Die Gleichheit (Jednakost). Godine 1907., postaje vođa novoformirane "Ženske kancelarije" u SPD-u. Organizovala je proslavu prvog "Međunarodnog dana žena", 8. marta 1911. godine.

Takođe je bila član izvršnog komiteta Komunističke internacionalne (Kominterna) od 1921. do 1933. godine.

Glavne aktivnosti Klare Cetkin su bile skoncentrisane na nekoliko interesantnih tema. Navešćemo neke od njih a vi presudite sami o kakvom se ljudskom biću radi!

Klara Cetkin je bila zagovarač i pozivala sve žene svijeta na:

1. Slobodnu ljubav – što znači da svaka djevojka ili udata žena ima pravo na svoju slobodnu ljubav, to jest, da ako u drugog muškarca, pored svog zakonskog, vidi i česticu neke vrste ljubavi, ona mu se slobodno može posvetiti, osjetiti njegovu ljubav, dati mu svoju, a da u isto vrijeme zadrži već postojeći brak. Ista stvar važi i za djevojku. Ona ne mora čuvati svoju nevinost za svog prvog muža i čovjeka svog života. Nevinost je vlastita imovina djevojke i žene, pa se može dati svakome za koga se osjeti potreba. Mlada djevojka posvećuje ljubav svom supružniku ali to ne znači da mu mora dati i nevinost.

2. Pravo na razvod braka – Brak kod dotične Klare ne predstavlja nikakvu svetost. Brak je proba za pronalaženje sreće, pa ako ta proba ne uspije, onda bez ikakvog pokušaja ili truda za bolji život, treba se razvesti, pa da praksom razvod braka postane svakidašnjica i sasvim normalna stvar.

3. Abortus je prava stvar – Pobačaj kod Klare predstavlja "popravljanje načinjene greške tokom braka" ili "vanbračnog odnosa", bez obzira u kom periodu je taj abortus učinjen, bez obzira na pravo djeteta na normalan razvoj i život u majčinoj utrobi, bez obzira na sve.

4. Žene treba da slave 8. mart – Ženama svijeta pripada jedna rumena, žarka ruža.

To je dotična Klara Cetkin i njen doprinos ženskome rodu!

Kroz 4 principa do poniženja

Do čega je "sloboda" dovela na Zapadu? Spolne bolesti uzele su maha i dostigle zabrinjavajući nivo. Neke od njih završavaju smrću. Na desetine miliona je zaraženih osoba. Djeca bez roditelja i porodične topline stvarnost su u kojoj žive neislamske sredine, a to je rezultat vanbračnih, haram odnosa. Njihov broj danas je umnogostručen i predstavlja veliki teret društvu.

Anarhizam je doprinio gušenju duhovnosti i moralnih vrlina, a doveo do obožavanja materije i materijalnog, i utapanja u tjelesna, neograničena uživanja uz iznalaženja puteva i sredstava za udovoljavanje prohtjevima i strastima. Takva sloboda ustvari je anarhija koja je prijašnje narode odvela u zabludu i propast, pa su bili uništeni radi nedjela koja su počinili. Ista sudbina prijete narodima i društvima danas, ako se ne osvijeste i prihvate Islam, jer samo je u Islamu spas za ljudski rod.

Rekao je Uzvišeni Allah:

"O vjernici, ne idite šejtanovim stopama! Onoga ko bude išao šejtanovim stopama on će na razvrat (blud) i odvratna djela navoditi..." (En-Nur, 21.)

"I što dalje od bluda, jer je to razvrat, kako je to ružan put." (El-Isr'a, 32.)

Brak je jedini ispravan put za očuvanje morala i čednosti, i za sprječavanje prostitucije i nemoralna. Brak predstavlja dozvoljen način intimnih odnosa supružnika a u isto vrijeme brana je pogrešnom i zabranjenom načinu zadovoljavanja strasti.

Allahov Poslanik, Muhammed, sallallahu alejhi ve sellem, kaže: "Dunjaluk je mjesto prolaznog uživanja, a njegovo najveće blago je čestita supruga."